

S'Amministrazione Comunale est sodighendi sa tarea de ismanniai s'atenzioni e su respetu po s'ambienti e su decoru urbanu e bolit interessai a is Azeindas, Sociarias, entis, Associus e citadinus in su ammellorai sa calidadi de su materi publicu.

Po custu at promoviu s'initziativa "ATENDI A UNA TUEDDA" istududiada po is chi s'ant bolli incurai a manera sighida de una o prus partis de materi publicu, po ddas podiri torrai a assentai si funt isconcias, po ddas mantenni beni cuncordadas, po ddas allichidiri mellus a talis chi is citadinus ndi potzant gosai mellus.

S'adotzioni est su primu passu conca a una manera de gestionai is tretus birdis, in s'ispera chi tengat bella torrada e chi interessit a genti meda chi s'ant a fai, de aici, atoris protagonistas in s'incuru de su decoru urbanu.

S'invitau, insaras, a atobiai s'initziativa presentendi domanda cun sa modulistica alliongiada.

Non funt prevedius ispesas istrutorias in carrigu a is chi faint rechesta. Po preguntas si podit circai a su Dirigenti de s'area Tecnica, Ing. Gianfranco Mulas (email. g.mulas@comune.portoscuso.ci.it).

Su Sindigu de Portescusi

(dae s'artìculu de s'Unione SL'Unione Sardafirmau Antonella Pani)

Funt totu unu fai e fatèria in is Tonnàrias Sulcitanas de Portescusi anca s'aprontat sa torina e dae unas cantas cidas s'at cumintzau puru a dda sestai in is botixeddus de làuna. Aici est, su pisci piscau in Cala Vinagra e in Crobetanedda a in antis ddu trabballant, a temperaduras bàscias dd'aprontant in s'ollu, e infini dd'istùgiant in is lameddas.

Totu sardu, dae sa torina a is olia a is opeajus:

un'industria chi est iscapendi is primus passus, a su mancus in custu tretu de su tratamentu, cun otu operajus atendendi a sa tancadura de 800 lameddas sa dii, cumentu at contau Andrea Farris, referenti de sa dita sulcitana, chi prevedit s'apetzadura de cuatro partis de torina in onniuna de is tonnàrias.

Unu prodùsiu de calidadi arta carculendi s'apròliu de sa torina a Km 0 e s'ollu de s'olia sarda anca ddoi aciuvant su pisci sestau.

Est una punna chi funt sodighendi dae diora custa de pòdiri atèndiri a totu su ciclu de produtzioni dae sa pisca a s'aprontamentu e imboddiadura, unu progetu chi in finis at incarrerau e rapresentat su trabballu de 8 operajus chi atendent s'imboddiadura e 30 personas chi trabballant candu est istasoni de pisciai.

Su disafiu po su benidori de is Tonnàrias Sulcitanas est sa certificatzioni ISO 22500 po su chi si narat "sistemi di tracciabilità" est a isciri sa tecnologia de acumpangiamentu e localizatzioni, unu dispositivu de garantia po assegurai su consumadori a pitzus de s'andera chi sa torina at fatu dae mari a butega.

Cun su marcu "Althunnus Portoscuso" lameddas e etichetas funt belle prontas in su "Palatziotu nou" (po manigiai una similitùdini chi s'arremonat su connotu) de Portescusi e dae su Comunu est arribbau su permessu a imboddiar giai dae su primu mesi de ladàmini, a pustis cuncordadas totu is parrimentas de is atrus entis interessaus.

Cun sa sienda Portescusesa si ndi prexat totu sa bidde de custa produtzioni nostrada e, fueddus de su Sindigu Ignazio Atzori, po s'oportunidadi de pòdiri trabballai sa genti de su logu pròpiu in un'ora de tragùlliu a cumentis cussa chi seus bivendi.

Un'operatzioni de grandu avaloramentu finas de custa risorsa itica chi est finas patrimòniu istòricu e culturali de custa bidde sulcitana e sighit in is sèculus rapresentendi unu volanu de isvilupu chi manca non siat sa prus grandu economia, no rapresentat ne mancu su perìgulu de incuinamentu e non timit crisi de mercau o de matèrias primas.

Fotografia dae sa pàgina FB Tonnare Sulcitane

Assessorato Servizi Sociali Cultura e Pubblica Istruzione Portoscuso

S'Amministrazione Comunale est sodighendi sa tarea de ismanniai s'atenzioni e su respetu po s'ambienti e su

decoru urbanu e bolit interessai a is Azeindas, Sociarias, entis, Assòcius e citadinus in su ammellorai sa calidadi

de su materi pùbblicu.

Po custu at promòviu s'iniziativa "ATENDI A UNA TUEDDA" istududiada po is chi s'ant bolli incurai a manera

sighida de una o prus partis de materi pùbblicu, po ddas pòdiri torrai a assentai si funt iscòncias, po ddas

mantenni beni cuncordadas, po ddas allichidiri mellus a talis chi is citadinus ndi potzant gosai

mellus.

S'adotzioni est su primu passu conca a una manera de gestionai is tretus birdis, in s'ispera chi tengat bella torrada

e chi interessit a genti meda chi s'ant a fai, de aici, atoris protagonistas in s'incuru de su decoru urbanu.

S'invitau, insaras, a atobiai s'initiativa presentendi domanda cun sa modulistica alliongiada.

Non funt prevèdius ispesas istrutòrias in càrrigu a is chi faint rechesta. Po preguntas si podit circai a su Dirigenti

de s'àrea Tècnica, Ing. Gianfranco Mulas (email. g.mulas@comune.portoscuso.ci.it).

Su Sìndigu de Portescusi

Su Comune de Portescusi ponit a isciri chi s'at publicau is graduatòrias po s'assuntzioni de 4 operajus po sa manutentzione de su birdi pùbblicu.

Is chi ant partetzipau a su seberamentu podint castiai is arresurtaus e sa lista de is arrefudaus ispriculendi in su link de s'Ente innoi afatu:

Allistadura a s'albu de is presidentis de sègiu e a s'albu de is iscrutadoris

Dae 30/10/2022 12:41 finas a 30/11/2022 23:59

Si ponit a isciiri chi est oberta s'iscritzioni a is albus arremonaus, e chi is demandas po is presidentis de sègiu

iscadint su 31 ladàmini 2022 e po is iscrutadoris su 30 onniasantu 2022.

Pindulas de formatzioni

In is atòbius de formatzioni seus connoscendi is sonus de s'alfabetu sardu, a cummenti sonant e a cummenti

bollint iscritus po mori de un'ortografia chi siat crara e fàtzili.

In custas ischedas nc'at unu resumu de s'arrexonu chi eus fatu a pitzus de is sonus chi MUDANT o chi

ISPARESSINT (faint afèresi).

Muda e afèresi non costumant sèmpiri e in totu is fueddadas, ma candu s'atòbiant, custus sonus càmbiant

sèmpiri a sa pròpiu manera.

Ma candu est chi unu fueddu podit cambiai calincunu sonu, fueddendi?

Mascimamenti candu funt "incadenaus" a intru de una fràsia e s'ùrtimu sonu vocali de unu fueddu

podit fai

cambiai sa primu cunsonanti chi ddi benit apustis.

Po non depi iscriiri unu fueddu de sa pròpia sustàntzia, ònnia borta in manera differenti,ustus fueddus cun is

sonus chi càmbiant bolint iscritus sèmpiri a cummenti sonant candu s'agatant a solus!

Càstia is esèmpius!

Iscrisòrgius "cuaus" de Portescusi:

Su situ de interessu Comunitàriu de SA PUNTA DE S'ÀLIGA

SA PUNTA DE S'ÀLIGA est unu Situ de Interessu Comunitàriu e finas Zona Ispetziali de Cunservatzioni chi s'agatat in sa costera de sa frazioni de Paringianu, Comunu de Portescusi, Sardigna sud-otzidentali.

Custu tretu de costera presentat una morfologia cumplessa e articulada cun àguas bàscias e fundalis prus che totu de aremu e atru materiali tragau in su tempus dae is àguas de s'arriu Bau Cerbus, cun girillis e istàinis finas mannus e montixeddus de arenas.

Su topònimu, su nòmini de su logu "sa punta de s'àliga" bastat a solu po si fai cumprendi de ita seus arrexonendi: "sa punta", si ddu naraus po mori de sa geografia, ca custu tretu de terra avantzat in su mari conca a sud, istringendi a prus e prus finas a su cabu anca acabbat, e "de s'àliga" poita ca sa currenti, chi fait mascimamenti cun su bentu destru, prenit su logu de "àliga de mari" est a iscrii prus chi totu sa palla marini (poseidonia) ma finas totu su chi ndi tragat sa currenti a sa pràgia, materiàli orgànicu, ma a dolu mannu finas s'àliga de s'òmini, chi costumaus a connosci po essi is refudus pudèscius chi mandaus a discàrriga.

Un'iscusòrgiu de sa natura: ita totu s'agatat

Su matedu chi fait in su tretu de arena chi s'istèndiat in su mari est tipicu mediterràneu cun tupas de

tzinnibiri, parma nana, ollastu e modditzi. Oru oru a s'àcua de su pauli, intamis, crescit unu matedu "alòfilu", chi fait in ambienti salidu. De importu est finas sa presèntzia de fundus de artu valori naturalisticu che a su *Limonium sulcitanum*, *Nananthea perpusilla* e is duas ispècias, *Rouya polygama* e *Linaria flava* subsp. *Sardoa*, amparadas dae sa Diretiva Habitat.

Cummenti si lompit a Sa Punta de s'àliga

Po arribbai a Sa Punta de S'àliga nc'at maneras diferentis: "a ciù ciù" est a iscrii a pei, tocat a passai dae su portixeddu de Portovesme, sodighendi conca a sud oru oru a su batzinu de is ludus arrùbius de s'indùstria (discàrriga àliga tratamentu baucsite), finas a lòmpiri a sa pràgia; de chi no, nc'at su mori sinnialau chi istrèssiat dae s'ùrtimu tretu de s'istrada provintziali Portescusi-Pedingianu e

sodigat oru oru a su pauli de Riu Bau Cerbus, tressendi in mesu de unu padenti de matas de opinu e mimosa postas po su "rimboschimentu".

Ma ita bolit nai candu naraus chi unu logu est SITU DE INTERESSU COMUNITÀRIU?

Is ingresus ddi narant "Site of Community Importance", e est unu cuncetu chi s'at cuncordau cun sa diretiva comunitària n.43 de su 21 maju 1992 a pitzus de sa "conservatzione de is habitat naturales e

seminaturales e de sa flora e de sa fàuna areste" connota finas "Diretiva Habitat".

A ita serbit un'àrea SIC

S'àrea SIC est unu logu iscioberau dae regionis e entis localis anca unas cantas ispècias amparadas, chi asserint iscritas in una lista alliongiada a su provedimentu etotu, ddoi podint abbitai chene is istrobbus de sa presèntzia de s'òmini. Sa punna de su provvedimentu est su mantenimentu e sa defensa de sa biodiversidadi e sodigat in s'andera de "ammadurai" totu is SIC a ZSC, chi funt "zona ispetziali de conservatzioni", po de ndi fai una retza intre totu is Paisus europeus a profetu de sa biodiversidadi.

In custu logus, cali si siat faina de s'òmini chi non siat acapiada istrinta a sa punna de amparai e defensai su logu e is ispècias chi nci bivint, depit passai sa V.I.A. "Valutazione de incidèntzia ambientali".

Ma ita bolit nai candu naraus chi unu logu est SITU DE INTERESSU COMUNITÀRIU?

Is ingresus ddi narant "Site of Community Importance", e est unu cuncetu chi s'at cuncordau cun sa diretiva comunitària n.43 de su 21 maju 1992 a pitzus de sa "conservatzione de is habitat naturales e

seminaturales e de sa flora e de sa fàuna areste" connota finas "Diretiva Habitat".

A ita serbit un'àrea SIC

S'àrea SIC est unu logu iscioberau dae regionis e entis localis anca unas cantas ispècias amparadas, chi asserint iscritas in una lista alliongiada a su provedimentu etotu, ddoi podint abbitai chene is istrobbus de sa presèntzia de s'òmini. Sa punna de su provvedimentu est su mantenimentu e sa defensa de sa biodiversidadi e sodigat in s'andera de "ammadurai" totu is SIC a ZSC, chi funt "zona ispetziali de conservatzioni", po de ndi fai una retza intre totu is Paisus europeus a profetu de sa biodiversidadi.

In custu logus, cali si siat faina de s'òmini chi non siat acapiada istrinta a sa punna de amparai e defensai su logu e is ispècias chi nci bivint, depit passai sa V.I.A. "Valutazione de incidèntzia ambientali".

Su Tostoinu de mari "Caretta Caretta"

Po mori ca in su logu, pagu mali, pagu ddoi tressat s'òmini, unas cantus animalis arestis,

mascimane ovìparus, dd'iscioberant po ddoi criai is ous in paxi. Aici est costumendi a fai su tostoinu "Caretta Caretta" chi dae unas cantus annus si ndi marcat sa presèntzia in custas arenas e unu pagheddu in totu sa costera ovest de Sardigna.

Sa Turri de Portescusi, posta a fabbrica in su 1587, dd'iant incingiada su 22 mesi de argiolas de su 1594 a dae in antis de una tropa de sordaus aproliaus dae Igrèsias, e de su primu ALCAIDE – su comandanti de sa turri-, unu tali de nòmini Giuanni Mereu.

Piessinnus de fàbbrica

Sa Turri de Portescusi, cun una tropixedda armada (fiat un'alcaide, un'artillieri, e cincu sordaus) casi chi fiat turri de armas (cun ses cannonis, duus mannus, cuatru matucus, e cuatru ispingardas) depiat assegurai sa defensa in cali si siat ora ndi essit lòmpiu s'inimigu.

S'artilleria de su forti portescusesu fiat cuncordada po pòdiri parai defensa a 120°.

Is acostadas de nais furisteras ddas sinnalànt istrantaxendi colonnas de fumu. A de noti alluiant fracas: una fracca po ònnia nai apuada.

Su fàbbricu de sa turri si nd'istrantàrgiat in duas pranus: su pranu de bàscius (1° pianu) anca fiat sa bateria e sa domu de is sordaus, su de susu (anca est sa pratza de is armas) cun una parti de artillieria. Po artziai a susu ddoi at un'iscala imbussada a intrus de is murus e a suta de su pammentu s'agatat una cisterra. Depeus immagiai unu passaditzu, unu sartiadori chi faiat a corona totu a ingìriu a s'oru artu de su fàbbricu, anca abarrànt *andaetorra* is sordaus de sa guàrdia. Custa turri portat istrutura clàssica a conu truncau, aici po pòdiri aguantai su pesu de is cannonis.

(dae s'articulu de s'Unione SL'Unione

Sardafirmau Antonella Pani)

Funt totu unu fai e fateria in is Tonnarias

Sulcitanas de Portescusi anca s'aprontat sa torina e dae unas cantas cidas s'at cumintzau puru a dda sestai in is botixeddus de launa. Aici est, su pisci pisciau in Cala Vinagra e in Crobetanedda a in antis ddu trabballant, a temperaduras bascias dd'aprontant in s'ollu, e infini dd'istugiant in is lameddas.

Totu sardu, dae sa torina a is olia a is opeajus: un'industria chi est iscapendi is primus passus, a su mancus in custu tretu de su tratamentu, cun otu operajus atendendi a sa tancadura de 800 lameddas sa dii, cumentu at contau Andrea Farris, referenti de sa dita sulcitana, chi prevedit s'apetzadura de cuatro partis de torina in onniuna de is tonnarias. Unu produsiu de calidadi arta carculendi s'aproliu de sa torina a Km 0 e s'ollu de s'olia sarda anca ddoi aciuvant su pisci sestau. Est una punna chi funt sodighendi dae diora custa de podiri atendi a totu su ciclu de produtzioni dae sa pisca a s'aprontamentu e imboddiadura, unu progetu chi in finis at incarrerat e rapresentat su trabballu de 8 operajus chi atendint s'imboddiadura e 30 personas chi trabballant candu est istasoni de pisci.

Su disafu po su benidori de is Tonnarias Sulcitanas est sa certificazioni ISO 22500 po su chi si narat "sistemi di tracciabilita" est a isciri sa tecnologia de acumpangiamentu e localizazioni, unu dispositivu de garantzia po assegurai su consumadori a pitzus de s'andera chi sa torina at fatu dae mari a butega.

Cun su marcu "Althunus Portoscuso" lameddas e etichetas funt belle prontas in su

"Palatziotu nou" (po manigiai una similitudini chi s'arremonat su connotu) de Portescusi e dae su Comunu est arribbau su permissu a imboddiai giai dae su primu mesi de ladamini, a pustis cuncordadas totu is parrimentas de is atrus entis interessaus.

Cun sa sienda Portescusesa si ndi prexat totu sa bidde de custa produtzioni nostrada e, fueddus de su Sindigu Ignazio Atzori, po s'oportunidade de podiri trabballai sa genti de su logu propiu in un'ora de tragulliu a cumentis cussa chi seus bivendi.

Un'operatzioni de grandu avaloramentu finas de custa risorsa itica chi est finas patrimoniulu istoricu e culturali de custa bidde sulcitana e sighit in is seculis rapresentendi unu volanu de isvilupu chi manca non siat sa prus grandu economia, no rapresentat ne mancu su perigulu de incuinamentu e non timit crisi de mercau o de materias primas.

Fotografia dae sa pagina FB Tonnare Sulcitane
AAssessorato Servizi Sociali Cultura e Pubblica
Istruzione Portoscuso

Su Comunu de Portescusi at essiu un'Avisu publicu chi pertocat is seberamentus publicus po unu postu de Esecutore Amministrativo – cat. B, positzioni economica B1 – de intregai a s'Area 1.

Cunvoca prova pratica e collochiu
Totus is candidaus ammitius cun sa determina dirigentziali n. 2075 de su 10 onniasantu 2022 a s'iseberamentu segundu s'ogetu, funt cunvocaus

po si presentai su 6 mesi de idas a is 10 oras de mengianu anca est sa sala Giunta Comunale de Portescusi, via Marco Polo, po su faimentu de sa prova pratica e de su collochiu.

Is provas s'ant a fai aici cummenti est prevediu in is arts. 42 e 43 de s'ALLIONGAU "A" de su regulamentu comunali in vigentzia po s'atendimentu de is protzeduras de cuncursus chi regulant "RECHISIUS DE ATZESSU E PROGRAMMA DE IS PROVAS" po atzedere a is impiegus de categoria A e B1. Insaras, sa prova pratica si cunsiderat binta candu su candidau at lompiu unu puntegiu de a su mancus 21/30.

Is candidaus si depint presentai cun unu documentu de riconoscimentu in cursu de balidesa. Is chi non portant documentus non podit fai sa prova.

Ligi s'avisu in su situ de su Comunu de Portescusi

IDUS dae su latinu a su sardu

Su calendariu romanu antigu fiat partziu in **dexi mesis isceti** e primitziat cun su mesi de Martzu.

De custa moda ndi abarrat arrastu in is urtimus mesis de s'annu, chi portant in su nomini ancora su numeru po ddus contai (**septemper**, october, **november**, **december**).

In su 153 a.C., su calendariu is romanus dd'iant ammellorau aciungendi-ndi duus mesis Ianuarius (integau a su deus Giano) e Febrarius (su tempus de sa callentura).

Cunforma a sa moda de su calendariu lunari ancora prus antigu (a sa moda etrusca), onnia mesi teniat 3

diis po inditai is fasis de sa luna:

Kalendae, -arum (chi nd'a bogau a campu

"calendariu"): de su mesi, sa primu diis

Nonae, -arum: de su mesi, sa de 5 diis (sa de 7 in martzu, maju, argiolas e ladamini)

Idus, -uum: su de 13 diis de su mesi (su de 15 in martzu, maju, argiolas e ladamini)

Idus – Ita inditât?

Inditat sa dii de luna prena, chi fiat dii nodia e sagrada, ca fiat intregada a Giove (Zeus, Deus), e si costumata a ociri una brebei bianca po sacrificziu.

In su connotu romanu funt famadas is idis de martzu ca fiat sa dii de su 44 a.C. chi iant ocu a Giuliu Cesare.

Ita cosa in Sardigna s'est abarrau a inditu de s'urtimu mesi de s'annu?

Nc'at pagu craresa ma podit essi chi in su tempus, cun s'arribbu de su cristianesimu mascimamenti, ritus e traditzionis si siant ammuntonadas pillu pillu e de aici "sa dii de Giove" abarrat a inditu de s'urtimu mesi de s'annu candu s'afetat puru sa dii de SOL INVICTUS (poi furriau a dii de Paschixedda prus agoa), una personificatzioni de su Soli fatu a babbu de totu is deus, de ispiratzioni orientali, impunnendi a su cristianesimu.

E.Putzolu

Annotus

po unu laboratòriu de cinematografia in sardu

po is iscientis de is iscolas mèdias de Portescusi

Totu cumintzat cun s'incuadrumentu: cuss'immagina chi imbucata in s'imbirdi de sa fotocamera sendi firma, sichei una fotografia in movimentu. Custa si podit aciapai cunforma a miradas diferentis (dae s'artu, dae bascius, a isgesciu) chi funt sa getada de ogu de su

registra a pitzus de sa realidadi chi bolit rapresentai.

S'incuadramentu cinematogràficu est su tretu de realidadi chi poneus a intru de unu sestu, po dda podi rapresentai. Feus encuadramentus a campus (candu su logu est s'elementu prus importanti de s'iscena) e a pianus (candu nc'at unu sugetu chi est su l'elementu prus importanti de s'iscena prus de su logu).

A si nunca si narat:

campu de ripresa: su tretu de logu encuadrau;

pianu de ripresa: su tretu de figura de personi encuadrau

A onnia manera non s'agatat una lacana pretzisa po podi distingui s'unu e s'atru e fatu fatu custas duas mesuras s'intrant a paris s'una cun s'atra (po nai candu sa camera s'acostat a sa personi e su campu ndi torrat a pianu). Custus elementus funt su basamentu de s'iscritura cinematografica e si podint poni a craru in 11 ghetadas de ogu.

Cunforma a is campus s'agatat:

Campu longu longu: su tretu pigadu cun sa camera est iscampsosu meda. Si costumt meda in su cinema

Western prus connotu, apostadamenti po podi profetai de is logus mannus in sa natura, custu campu podit serbiri tres bortas: a presentai s'iscena, a donai una ghetada de ogu cumpria, istallai sa personi de s'ambienti po ddu fai figurai.

Campu logu: non cambiat meda dae s'atru ma su tretu est prus piticu. Innoi sa personi cumparrit mellus.

Mancai siat sempiri una ripresa a part'e foras, is personagius si biint prus mellus cunforma a s'ambienti.

Totu Campu o Campu Preatu: pigat unu tretu prus o mancu che cussu de su campu longu ma innoi s'ambienti ndi prenit totu s'incuadramentu, chi siat a part'e foras (est una pratza, un'istadiu...) o a part'e

intru (un'apostu, una palestra...).

Mesu Campu: ponit in s'incudramentu isceti una parti de s'ambienti de s'iscena.

Campu mèdiu o mesu campu longu: is figuras funt a tretu de si podi connosci, ma s'ambienti est ancora prus de is personis.

Acostendi-si ancora de prus a is figuras umanas, s'incudramentu fait a pianus, passendi peri una forma mesana chi ddi nant "figura sana" anca sa personi cumparrit totu. Est su oprimu incudramentu chi su personagiu figurat prus de s'ambienti.

De innoi in susu s'incudramentu fait a:

Pianu Americanu: s'oru de bascius "segat" sa personi finas a is genugus. Costumat meda in su tempus mannu de su Cinema de Hollywood.

Pianu mesanu o mesu primu pianu o mesu figura: s'incudramentu est totu personagius e s'ambienti perdit importantzia, o eus a nai mellus chi "non fait significau". Is personis cumparrint finas a su chintzu (mesu bustu) e si fait po ammostrai duus (o de prus) personagius chi funt movendi relatzionis intre insoru.

Primu pianu: sa moda chi costumat de prus est a incudrai sa personi dae sa conca finas a is coddus. Custa genia de incudramentu si cuncordat po podi bogai a pillu sa psicologia de su personagiu, ponit in primu pupa su drama de s'atzioni, aparat pensamentus e sentidus de is personagius.

Pianu pianu istrintu: s'incudramentu ndi boddit isceti sa cara de su personagiu movendi/aparendi in primu pupa sa fortza psicologica, pinnighendi s'atenzioni de s'ispetadori a is acinnus chi su peronagiu fait cun sa cara. Sa cara de s'atori ndi prenit s'incudramentu.

Piessinnu: s'incudramentu istentat a pitzus de unu piessinnu (su piessinnu de un'ogu, de una manu, de is

didus chi aciapant unu lapis...).

Incuadramentu Sugetivu: est un'incuadramentu pretzisu chi torrat paris a sa ghetada de ogu de su personagiu chi est in iscena. Sa camera si ponit a artaria de is ogus de s'atori e s'ispetadori cumprendit luegus chi cussa est sa mirada de su personagiu e s'identificat in s'esperientzia sua. (e si identifica nella sua percezione visiva)

S'iscenegiadura est su chi nd'arresurtat dae su manigiu de su sugetu e de sa programmatzioni. Est uniscritura anca s'istoria de su filmi est cuncordada a **iscenas**, tretus de sa rapresentatzioni chi non presentit cambiis de tempus o de logu, e in **secuèntzias**, grupus de incuadramentus o iscenas chi tengant, s'unu s'atru, calincunu raportu de tretu o de tempus. De custa iscritura, chi si podit isterri cunforma a tecnicas diferentis, est de importu mannu chi ndi essant a craru is arrexonus de is personagius, sa numeratzioni progressiva de is iscenas e is inditus fundamentalis po apariciai su scenariu anca si "tirat" su film.

Dae s'iscenegiadura si podit apariciai finas sa **ghia gràfica o tàula de s'istòria** (storyboard) chi est s'isterrimenta a piessinnus de totus is incuadramentus, is movidas de sa camera e de is inditus de montagiu.

In is atobius de formatzioni seus connoscendi is sonus de s'alfabetu sardu, a cummenti sonant e a cummenti

bollint iscritus po mori de un'ortografia chi siat crara e fatzili.

In custas ischedas nc'at unu resumu de s'arrexonu chi eus fatu a pitzus de is sonus chi MUDANT o

chi
ISPARESSINT (faint aferesi).

Muda e aferesi non costumant sempiri e in totu is fueddadas, ma candu s'atobiant, custus sonus cambiant

sempiri a sa propiu manera.

Ma candu est chi unu fueddu podit cambiai calincunu sonu, fueddendi?

Mascimamenti candu funt "incadenaus" a intru de una frasia e s'urtimu sonu vocali de unu fueddu podit fai

cambiai sa primu cunsonanti chi ddi benit apustis.

Po non depi iscriiri unu fueddu de sa propia sustantzia, onnia borta in manera differenti,ustus fueddus cun is

sonus chi cambiant bolint iscritus sempiri a cummenti sonant candu s'agatant a solus!

Castia is esempius!

PO CANTU BIDDANOA

fiat – fet

Fiat torrau de sa guerra cun is gradus ingresa e una picioa friulana.

Pringia.

Su trenu de Casteddu arribat a mesudi. Ma de candu intrat in is furriadadas de Tachenurri e ancora non si biat, s'intendiat su ciuf ciuf e su fragu de su fumu, massima candu tirat bentu estu. Sa primu a si biri fut sa machina, candu s'incrarat in sa trincera de terra arrubia e fiat po lompi a su scambiu. Tandu su ciuf ciuf si fadiat prus forti, a cuncordiu cun is istantufus chi moviant is arrodas, e su trenu, sulendu fumu biancu fintza a celu, saludat alligru is acacias chi fiant abetendi-ddu, strantaxas pe parti che sordaus. Mancai fessit cinc'oras currendi e essit passau Campidanu, Partiolla, Trexenta e Sarcidanu, non pariat fadiau.

Passau su scambiu

arrallentat e si poniat a passu de omini po intrai in istazioni: cun imponentzia, cun importantzia, cun totu is ogus de sa genti puntaus asuba, cumpraxiu. Ma candu si firmada, asuta de is matas de ulimu prus artas de sa statzioni, e sa genti cumenzat

a s'acostiai, s'urtimu ciuf pariat unu suspiru: fiat

propiu fadiau. Ma fiat prexau su propiu, su trenu de Casteddu:

a in antis de sa machina is cuatru numerus de latoni –

1908 – brillianta che unu sprigu, e su capustazioni, cun su

berretu arrubiu in conca, fiat benendi a dd'arriciri cun grandu arrespetu. Comente onnia dii.

Si donat a isciri a is Associatzionis Isportivas diletantisticas e is Sotziedadis Isportivas chi oberant in Portescusi e ingunis etotu inci tenint sa sede legale, chi cun Determinatzioni Dirigentziales n. 2355 de su 15/12/2022, s'at aprovau is avisus po s'erogatzioni de is contributus ordinarius e istraordinarius a profetu de su praticai isport – Tipologia A e B e a profetu de is meritus isportivus.

Po presentai is demandas nc'at tempus finas a is oras 12 o 23.59 - cunforma a is inditus de is avisus pùbblicus - sa dii 30 de mesi de idas 2022.

Is cartas chi abbisongiant po partetzipai a is tres proceduras s'agatant in is alliongiaus a sa nova in s'acapiu afatanti:

[Concessione contributi per la pratica sportiva anno 2021_2022 \(portoscuso.ci.it\)](http://portoscuso.ci.it)

Si donat a isciri a is ASSOTZIUS, COMITAUS, CONGREGATZIONIS E PARROCHIAS chi oberant in su logu de Portescusi e chi ingunis inci tenint sa sede legale, chi cun Determinatzioni Dirigentziales n. 2356 de su 15/12/2022, s'at aprovau s'avisu po s'erogatzioni de is contributus ordinarius po is atividadis postas a campu in s'annu 2022.

Po presentai is demandas nc'at tempus finas a is oras 12 o 23.59 - cunforma a is inditus de is avisus pùbblicus - sa dii 30 de mesi de idas 2022.

Is cartas s'agatant in s'acapiu afatanti

[CONTRIBUTI ORDINARI A FAVORE DELLE ASSOCIAZIONI, COMITATI, \(portoscuso.ci.it\)](http://portoscuso.ci.it)

Paschixedda 2022: duus cidas de eventus in Portescusi

Su Comunu de Portescusi at aparau su calendariu de is eventus de Paschixedda 2022. Est unu trabballu cuncordau cun is assotzius culturalis e de voluntariadu portescusesus po prus de duus cidas po si podi ispreviai paisanus e aproliaus cun musica meda, ispetaculeddus po pipius, sagius de iscola, marcaredus de artesanau e oras po aturai in cumpangia gioghendi a Tombola.

Dae is diis de s'Aventu finas a Pasca de is Tres Reis una filera longa longa de eventus at a abbivai sa

comunidadi Portescusesa chi in custas ocasionis aparat su mellus de sei e incantat de belleza e de ispantu totus is chi aproliant dae is atras biddas. Custu manifestu est s'ocasioni po si ndi podi gosai su trabballu fatu de is portescusesas e portescusesus totu s'annu, cun passioni e a profetu de totus. Nci nd'at a essi po totus, mannus e pipius, mascimamenti po issus chi est su tempus insoru po bisai e s'ispassiai in allegria.

Is chi ant a iscioberai Portescusi po custa Paschixedda a seguru non s'at a arroschi!

Benea in medas!

Su 29 mesi de idas 2022 anca est Portovesme, su sardu "Is Canneddas" de su Comunu de Portescusi, unu fiotu de

personis, autoridadis comunalis de sa bidida e de is biddas a lacanas paris, autoridadis religiosas, rapresentantzias

sindacalis, s'Anpi, genti de bidida e istrangius, si funt giuntus po arregordai sa morti de is fradis Fois, bocius po sa

tirria e su machimini fascista propiu innia, in s'oru de su portu, 100 annus a oi, cumprius.

Chini fiant Sarbadori e Luisinu Fois, e poita su fascimu, canchidu mortali e bregungia mala a limpiari de s'istoria de

s'istadu italianu, ddus iat timmius finas a sa mesura de ddus depiri bociri, ddu cumprendeus mellus

torrendi a

scartafolliai is paperis de cussus tempus chi is nebodis de is vitimas ant ispricuau e arregortu in is istudius insoru.

Batellieris e meris de unas cantas barcas, is de Fois a s'ora fiant un'arereu cun un'istoria afirmada de cummertziu

maritimu e candu s'industrializatzioni mineraria at "imbentau" Porto Vesme po su trasportu de su minerali, issus

puru fiant intraus in custa economia e viagiant sa galena chi su trenu de sa miniera nci bitiat finas a s'oru de mari:

innoi is batellieris ndi preniant cofas, si ddas atuant a coddu e ddas stuant in is batellus. Una cofa prena pesat

finas 50kg. Dae ingunis finas a Carloforte anca sa galena sighiat su viaggiu conca a continenti a pitzus de is nais

mannas, chi depiant carrigai issus etotu. Si acudiant sa giorronada, furrius a PortoVesme, torrant a cumintzai.

Is batellieris fiant acordaus cun is Sotziedadis Minerarias chi ddus pagant po onnia tonnellada de minerale

viagiau: est a isciri chi fiant pagaus a cotimu.

Po si podi balli de is deretus insoru e ammellorai is cunditzionis malas de trabballu e de vida, is batellieris, movius

puru dae s'ispera de su movimentu socialista chi fiat nascendi e ispainendi-si manu manu chi si ndi pesat su

trabballu organizau de is operajus, si fiant pinniagaus a paris in una Lega, sa Lega de is Batellieris, aunius po podi

atriviri is rivendicatzionis e parai fronti a s'isfrutamentu de is industrialis "spogliatori di cadaveri" cumment'e ddis

iat narau Antoni Gramsci in un'articulu famadu anca incurpat is industrialis de su casu, de su carboni, de is

minieras, aproliaus a Sardigna po praticai (cun sa beneditzioni de s'istadu unitariu) unu colonialismu ferali casi-ca

non lassant nudda po is sardus basciu chi non torressit a contu a issus etotu, a in antis de totu.

Cando lompit su 1922 acontessit in Portescusi su chi s'autore famadu Benvenuto Lobina at contau de bidda sua

Biddanoa 'e Tulu (in su romanzu Po Cantu Biddanoa) e chi nd'at fatu sa fortuna de su regime: su

fascismu si

presentat cummenti ocasioni po is sennoreddus barrosus de podi acatzigai is trabballadoris chesciosus chi fiant

pighendi coscienzia de is deretus insoru, guadangendi-si cunditionis mellus de trabballu e de vida chi, depit

essi, costant tropu a is meris asurius.

Sempiri e candu nc'at una differentzia manna: Biddanoa fiat una bidda chi biviati isceti de su sartu aillargu unus

100 annus finas dae sa tecnologia de s'ora. Portescusi intamas fiat unu centru de cummertzio e de industria

importanti po totu s'Europa de s'ora. Est finas po custu chi sa tirria fascista s'est iscuta prus forti a innoi.

In su 1922, su canchidu isciopau cun 'la marcia su Roma" movit dae sa Capitale, si nd'ispainat lestru e currit a

cuaddu de sa retorica risorgimentali unitaria peri totu s'istadu, incruendi fueddadas, costumantzias e is deretus

chi sa genti fiat guadangendi-si cun grandu sacrificziu a suta de sa logica tiranna de su totalitarismu fascita, chi

asserit a essi finas s'esaltazioni de una "natzioni" imbentada: si fait divietu de podi fueddai sa lingua de su logu a

profetu de s'italianu, divietu de sodigai costumantzias popularis e religiosas chi su regimi cambiat cun is festas

suas, divietu de si podi cuncordai is trabballadoris a manera libbera e autonoma po si fai amparu dae su

sfrutamentu e po podi ammellorai is cunditionis de vida, divietus e divietus, censuras, purgas, galera e fatu fatu

calincunu arropau.

In custa cornissa si presentat sa manu assassina fascista in Portescusi su 29 de mesi de idas de su 1922. Ddoi

lompit portendi is nominis de is industrialis igresientis e de is bastantis insoru cun is tzeracus in camisa niedda,

aproliaus finas dae atras biddas a lacana po firmai, cun sa fortza, a is chi non boliant e non podiant lassai su passu

a sa barrosimini de is intruxus abbramius.

Aici Emilio Lussu, ex combatenti, sardista, socialista, e mascimamenti antifascista, contat su mortoxu de is fradis

Fois in su libru “Marcia su Roma e dintorni” chi iat isterriu e publicau in su 1931, in disterru in Frantza, po contai

a su mundu e ita fiat acontessendi in italia. S'autobiografia fiat essia publicada in francesu, inglesu, spagnolu,

portughesu e tedescu. In italia tocat abetai a acabbai sa guerra in su 1945 po si podi agatai a bendi.

“is fascistas [ndr] fiant unus cincuenta, armaus. [...] Ndi fiant lompius totu in una, chene nd'isciri nudda nemus.

[...] Is batellieris fiant sa primu organizazioni sindacali in Portescusi. Fiant totus ex cumbatentis, iant fatu sa

guerra in marina. A issus etotu non ddis praxiat su fascismu. Is capus insoru fiant is fradis Fois, beni consideraus

dae totu sa bidde. [...] Candu sa columna fascista fiat aproliendi in Portescusi issus fiant afateriaus in is barcas

insoru. Si ndi fiant acataus isceti candu is fascistas fiant intraus in su portu. <<Chi e Salvatore Fois? >> iat tzerriau

su capu fascista. <<Presente – ddi torrat una boxi dae su batellu – seu deu>>. E ndi fiat calau a sa banchina. Is

fascistas cun is pistolas paradas dd'iant intimau de abboxinai <<Viva il fascismo!>>, <<Mai chi m'apu a abasciai a

custa vilesa!>>. Insaras un'atra boxi iat cummandau a isparai e Sarbadori iat fatu a terra, sicu. Is batellieris si fiant

ghetaus in avolotu fuendi-si a onnia oru. Luisu, chi fiat ponendi faci a is scuadristas cun is atrus cumpangius, no

fiat arrinesciu a movi unas cantu passus chi dd'iant sicant a issu puru a corpus de balla, arruendi-nci a terra

acanta de su fradi. <<Cosi muoriono i traditori della patria!>> iant tzerriau is fascistas. Insaras una pariga ddus

iant postus a billai a peistanti a is mortus e is atrus iant moviu conca a sa bidde, cantendi. Fiant prexaus de sa

bella vitoria. [...]”.

Cummenti est acabada custa istoria est cronaca: su terrorismu fascista, chi atra cosa non fiat foras de sa vilesa

de is meris becius e de sa borghesia conservadora postus de cudda camisa niedda chi ddis iat annoau e afortiau

su poderiu, a pustis atrus trumbullus e violentzias contras is cumpangius de is batellieris e s'Amministratzioni

Comunali socialista, fiat arrinesciu a ghetai is farrancas insoru a pitzus de sa vida pubblica portescusesa chi dae sa

dii si fiat furriat sempiri prus niedda.

Su dibatimentu durat finas a candu nc'at unu biculeddu de democratzia a intru de sa Magistratura italiana ma

acabbat cun s'assolutzioni de is mortoris in su 1926, a fascismu cumpriu e a firtza de melecias e impositzionis a

sa defensa. Is familiaris depint abetai a nd'arrui su regimi po podi otenni giustitzia chi arribbat isceti in su 1944,

candu sa Corte de Assisi de Casteddu istorrat su condonu a s'unicu de is assassinus chi s'agatat ancora e chi

insaras torrat in presoni po nci abarrai finas a su 1948 candu s'arereu Fois ddi acordat su perdonu e s'Artu

Commissariadu po is santzionis contras su fascismu ddu torrat a arcantzai sa libbertadi.

A 100 annus dae cussu arrori est totu sa bidde Portescusesa chi si bolit poni s'anima in paxi. Est po mori de sa

boxi de Sarbadori e Luisinu chi ancora abboxinat contras a s'isfrutamentu, sa barrosia de is meris, s'autoridadi

catzigadora, constras a s'industria colonialista, oi in dii eus a nai is multinatzionalis, chi po mori de su profitu no

timiant a smerai is poverus.